

provodenja projekata JPP-a iz člana 26. stav (1) i Uredbu o edukaciji učesnika u postupcima pripreme i provođenja projekata JPP-a iz člana 27. tačka h) ovoga Zakona.

(2) Agencija će, najkasnije u roku od 90 dana od dana stupanja na snagu ovoga Zakona, donijeti Pravilnik o uspostavljanju i vodenju Registra ugovora JPP-a iz člana 25. stav (5) ovoga Zakona.

Član 35.

(Stupanje na snagu)

Ovaj zakon stupa na snagu osmog dana od dana objavljivanja u „Službenim novinama Hercegovačko-neretvanskog kantona“.

Bosna i Hercegovina
Federacija Bosne i Hercegovine
Hercegovačko-neretvanski kanton
S K U P Š T I N A

Broj: 02-02-XXII-082/13
Mostar, 13.03.2013. godine

P R E D S J E D A V A J U Ć I
Ramiz Jelovac, s.r.

72

Na osnovu člana 39. Ustava Hercegovačko-neretvanskog kantona („Službene novine HNK“, broj: 2/98, 4/00 i 7/04), Skupština Hercegovačko-neretvanskog kantona je na sjednici održanoj dana 13.03.2013. godine, donijela

Z A K O N O IZMJENAMA I DOPUNAMA ZAKONA O SUDSKIM TAKSAMAMA S TARIFOM

Član 1.

U Zakonu o sudskim taksama s tarifom („Službene novine HNK“, broj: 4/09), u članu 3. stav (3), na kraju teksta tačka (.) se zamjenjuje zarezom (,) i dodaju riječi: „u skladu s odgovarajućim odredbama Zakona o parničnom postupku“.

Član 2.

Član 7. mijenja se i glasi:

„(1) Takse predviđene Taksenom tarifom plaćaju se sudskim taksenim markama i u gotovom novcu. Plaćanje sudske takse u gotovom novcu vrši se uplatom na depozitni račun javnih prihoda Hercegovačko-neretvanskog kantona.

(2) Vlada HNK može svojim propisom urediti emitiranje i distribuciju taksenih maraka za područje Kantona u visini do pedeset (50) KM (konvertibilnih maraka).“

Član 3.

U članu 8. riječ: „pet (5) godina“ zamjenjuje se riječju: „dvije (2) godine“.

Član 4.

U članu 9. stav 1. iza tačke „h“ dodaje se nova tačka „i“ koja glasi:

„i) Privredna društva za zapošljavanje lica s invaliditetom i zaštitna radionica u postupcima registracije i izdavanja izvoda iz sudskog registra.“

Član 5.

U članu 13. stav 2. mijenja se i glasi:

„(2) Sud može u toku postupka ukinuti rješenje o oslobođanju od plaćanja takse, ako utvrdi da je takseni obveznik u mogućnosti da plati taksu.“

Član 6.

U članu 19. stav 2. riječi: „službeno lice koje preduzima radnju u postupku“, zamjenjuju se riječima: „sudija koji vodi postupak“.

Član 7.

Član 22. briše se.

Član 8.

Član 24. briše se.

Član 9.

U TAKSENOJ TARIFI DIO PRVI. PARNIČNI I IZVRŠNI POSTUPAK u Tarifnom broju 1. (taksa za podneske) u tački (5) riječ: „zbog“ zamjenjuje se riječju: „radi“.

Član 10.

U TAKSENOJ TARIFI DIO PRVI. PARNIČNI I IZVRŠNI POSTUPAK u Tarifnom broju 1. (taksa za podneske) u tački (7) riječ: „tužbu“ zamjenjuje se riječju: „žalbu“.

Član 11.

U TAKSENOJ TARIFI DIO TREĆI, ZEMLJIŠNOKNJIŽNI POSTUPAK, Tarifni broj 14. (taksa za upise podataka), mijenja se i glasi:

„(1) Sudsku taksu snosi lice u čiju se korist vrši uknjižba, osim ako ugovorne strane ne utvrde drugačije.“

(2) Visina takse određuje se prema vrsti kako slijedi:

- a) Uknjižba vlasništva 50 KM
- b) Uknjižba hipoteke, zemljišnog duga ili doživotnog prava uživanja, trajnog prava korištenja, stvarnih služnosti i tereta, prava dugoročnog najma i zakupa, prava preče kupovine i realnih tereta 100,00 KM
- c) Uknjižba hipoteke za odobravanje kredita za privrednu djelatnost 100,00 KM
- d) Uknjižba predbilježbe ili zabilježbe 40,00 KM.“

Član 12.

Ovaj Zakon stupa na snagu osmog dana od dana objavlјivanja u „Službenim novinama Hercegovačko-neretvanskog kantona“.

Bosna i Hercegovina
Federacija Bosne i Hercegovine
HERCEGOVACKO-NERETVANSKI KANTON
S K U P Š T I N A

Broj: 02-01-XXII-080/13

Mostar, 13.03.2013. godine

P R E D S J E D A V A J U Ć I
Ramiz Jelovac,s.r

73

Na osnovu člana 39. stav (1) tačka f) Ustava Hercegovačko-neretvanskog kantona („Službene novine HNK“, broj: 2/98, 4/00 i 7/04), Skupština Hercegovačko-neretvanskog kantona, na sjednici održanoj 13.03.2013. godine donijela je

ZAKON O ADMINISTRATIVNIM TAKSAMASAMA TARIFOM ADMINISTRATIVNIH TAKSI HERCEGOVACKO – NERETVANSKOG KANTONA

POGLAVLJE I. OSNOVNE ODREDBE

Član 1.

Ovim Zakonom uređuje se način plaćanja administrativnih taksi (u daljem tekstu: taksa) za spise i radnje kantonalnih organa uprave i upravnih organizacija, kao i pravnih lica koje imaju javna ovlaštenja (u daljem tekstu: organi) na području Hercegovačko-neretvanskog kantona (u daljem tekstu: Kanton).

Član 2.

(1) Spisi i radnje za koje se plaća taksa, kao i visina takse za pojedine radnje utvrđuje se Tarifom administrativnih taksi (u daljem tekstu: Tarifa).

(2) Tarifa se propisuje ovim zakonom.

Član 3.

(1) Takseni obaveznik je fizičko ili pravno lice po čijem je zahtjevu pokrenut postupak ili se vrše radnje predviđene Tarifom.

(2) Ako za isti spis ili radnju postoje dva ili više taksenih obaveznika, njihova obaveza je solidarna.

(3) Ako više lica podnosi zajednički zahtjev, plaća se jedna taksa.

Član 4.

(1) Taksena obaveza nastaje u trenutku predaje zahtjeva za izdavanje rješenja ili druge isprave, odnosno u trenutku podnošenja podneska, ako za pojedine slučajevi nije drukčije propisano.

(2) Taksa se ne može naplatiti ako nije utvrđena Tarifom.

Član 5.

(1) Takse se plaćaju u trenutku nastanka taksene obaveze, ako za pojedine slučajevi nije propisano drukčije.

(2) Taksena obaveza nastaje:

a) za podneske – u trenutku kada se predaje, a za podneske date u zapisnik, kada se zapisnik sastavlja;

b) za rješenja i druge isprave - u trenutku podnošenja zahtjeva za njihovo izdavanje;

c) za pravne radnje - u trenutku podnošenja zahtjeva za te radnje.

Član 6.

(1) Ako je Tarifom propisano plaćanje takse prema vrijednosti predmeta, kao osnovica za utvrđivanje takse uzima se vrijednost naznačena u podnesku ili ispravi, ili vrijednost utvrđena na način propisan u Tarifi ili vrijednost utvrđena procjenom organa koji vodi postupak.

(2) Kada se isprava za koju se plaća taksa, na zahtjev stranke, izdaje u dva ili više primjeraka, za drugi i svaki dalji primjerak, plaća se taksa u iznosu od 3,00 KM, ako u Tarifi nije drugačije određeno.

(3) Taksa iz stava (2) ovog člana ne može biti veća od takse za prvi primjerak.

(4) Pri obračunavanju takse propisane u postotku, taksena osnovica će se zaokružiti na cijele desetice na način da se iznos od 5,00 KM zaokruži na nižu deseticu, a iznos iznad 5,00 KM na višu deseticu.